

PUO YA BOPHATLALATSI BA DITABA

Diphetho le dikgothaletso tsa *Time Release Study* tse entsweng ledibohong la Oshoek le pakeng tsa Afrika Borwa le Eswatini

Oshoek ke lediboho le bohareng ba naha pakeng tsa Afrika Borwa le Eswatini. Le thehilwe ka tsela e mawala ho bapa le mmila o moholo wa N17 o kopanyang ditsela tse lebisang boemakepeng ba Durban le ba Mozambique mme ka hona ke tsela e bohlokwahadi bakeng sa Eswatini.

Tshwane, Mantaha wa la 20 Motsheanong 2024 – Bolaodi ba Meedi ba Ditshebeletso tsa Lekgetho tsa Afrika Borwa (SARS) Ditshebeletso tsa Lekgetho tsa Eswatini (ERS) kajeno ba phatlaladitse diphetho tsa Time Release Study (TRS) tse mabapi le phallo ya kgwebisano pakeng tsa Eswatini le Afrika Borwa ledibohong la Oshoek / Ngwenya tseo dinaha ka bobedi di arolelanang ka lona.

TRS ke mohato wa bohlokoa ho bebofatseng phallo e hlokanang tshitiso ya kgwebisano ka thuso ya madiboho a Southern African Customs Union (SACU).

Boithuto bona bo entswe ho tloha ka la 14 Pudungwana ho isa ho la 17 Pudungwana 2023, ha bokellwa data ya bohlokoa, e tshwarehang le e amanang le mokgwatshebetso ledibohong lena la karolelano. Boithuto bona e ne e le ba kopanelo ba SARS, Ditshebeletso tsa Lekgetho tsa Eswatini Revenue Service (ERS), mmoho le Mokgatlo wa Lefatshe wa Bolaodi ba Meedi (WCO) ka bolekaneng le UK Aid, Bolaodi ba Botsamaisi ba Meedi (BMA), Ditshebeletso tsa Sepolesa sa Afrika Borwa (SAPS), mmoho le baemedi ho tswa baahing ba rona ba etsang tsa kgwebo ho phatlalla le madiboho.

TRS e hlaha ho Tumellano ya Pebofatso ya Kgwebisano (TFA) ya Mokgatlo wa Lefatshe wa Kgwebisano (WTO), e qadileng ho sebetso ka la 22 Hlakola 2017. Maikemisetso a TFA ke ho bebofatsa motsamamo, tokollo le tlhekelo ya dithoto tse tshelang madiboho, mehato ya tshebedisano e phethahetseng pakeng tsa bolaodi ba Bolaodi ba Meedi le bakgathatema, mmoho le dipehelo tsa thuso ya setekgenike le kaho ya bokgoni.

Tumellano e akaretsa “*Establishment and Publication of Average Release Times*” (Atikele ya 6) ka tshebediso ya dithulusi tse kang, hara tse ding, kgopolotaba ya Time Release Study (TRS) ya Mokgatlo wa Lefatshe wa Bolaodi ba Meedi (WCO) mme e kgothaletsa ditho ho lekanya le ho phatlalatsa nako ya setlwaedi ya tokollo ya dithoto ho ya ka dinako tse itseng le ho latela mokgwa o tsitsitseng.

WCO Time Release Study ke thulusi e mawala le e ananelwang matjhabeng ya ho lekanya nako ya nnete e hlokehang ho lokolla le/kapa tlhekelo ya dithoto, ho tloha ka nako ya ho fihla ha tsona ho fihlela morwalo o lokollwa. Boithuto bona bo ikemiseditse ho fumana ditshita tsa phallo ya kgwebisano le ho hlwaya mehato ya ho ntlafatsa tshebetso e phethahetseng ya metjha ya madiboho.

Khomishenara ya SARS Edward Kieswetter o tobokeditse hore TRS ke boiteko ba bohlokwa ba ho hlwaya ditshita tsa lethathama la phephelo, diphetho tsa pebofatso ya kgwebisano ya bongata, le ho netefatsa ho tsejwa e sa le ka nako ha metjha e amanang le tsa kgwebisano.

“Ha re ntse re le leetong le habileng Bolaodi ba Meedi ba sejwalejwale, ke na le tshepo ya hore bohlale boo re bo fumaneng ho tswa ho TRS ena bo tla tataisa mawala le maiteko a rona ha re ntse re ya pele. Mmoho, re tla tswela pele ho tsitlallela bohlwahlwa taolong ya Bolaodi ba Meedi, pebofatsong ya kgwebisano, le ho ba le seabo se tswelang ntshetsopeleng ya Afrika e Borwa,” o rialo.

Bohlokwa ba tumellano ya African Continental Free Trade Area (AfCFTA) ke bo boholo mme bo tobile ho tlisa kimollo ho Maafrika a 30 million a tlasa bofuma bo matla le ho ntlafatsa lekeno la ba bang ba ka bang 68 million ba phelang ka tjelete e ka tlase ho \$5.50 ka letsatsi.

Ho elwe hloko hore \$292 billion ya \$450 billion eo ho akanywang hore e tla ba lekeno ho tswa ho AfCFTA, e tla hlaha mehatong e matlanyana ya pebofatso ya kgwebisano - ka mantswe a mang, ho tswa mekutung ya ho fokotsa tiehiso le ho nolofatsa metjha ya ho tshela madiboho hore dikgwebo tsa Afrika di nolofallwe ke ho momahanngwa ho lethathama la phephelo la lefatshe ka bophara.

Khomishenara ya SARS o boletse hore diphallo tsa Kgwebisano pakeng tsa RSA le Eswatini: Paloyohle ya kgwebisano pakeng tsa dinaha ka bobedi e eketsehile ka R7.44 billion (15.7%) ka 2023, ka lebaka la keketseho ya diromelwandle tsa R4.22 billion (16.6%) le keketseho ya dithomello kahare ho naha tsa R3.22 billion (14.6%). Afrika Borwa e ntse a na le balanse ya tse fetang tekanyo le Eswatine dilemong tsa ho feta tse hlano.

Mong. Kieswetter o lebohile tshebedisano ya boleng ya ERS tlasa boetapele ba Khomishenara-Kakaretso, Mong. Brightwell Nkambule, mmoho le Khomishenara ya Bolaodi ba Meedi le Dihlahiswa tsa Naha, Mme Gugu Mahlinza. Boithuto bona bo entswe ka tshehetso ya Mmuso wa Brithane.

Dintlha tsa bohlokwa le Dikgothaletso:

1. Nako ya setlwaedi ya naha pakeng tsa ha morwalo o fihla le ha o tswa tlasa taolo ya Bolaodi ba Meedi ke metsotso e 34 bakeng sa dithomello kahare ho naha le hora e le 1 le metsotso e 24 bakeng sa diromelwandle.
2. Nako ya setlwaedi ya ho tloha mohla ho kenngwa ha tsebahatso ya Bolaodi ba Meedi ho fihlela morwalo o lokollwa ka tsela ya molaetsa wa *Customs Response CURES* ke metsotso e 42.
3. Dikgothaletso di akaretse manollo e nngwe hape ya metjha ya makeno a dinaha, phethahatso ya metjha e tshwanang bakeng sa bakganni ba diteraka, le hore ho ke ho shejwe kgonahalo ya ho fetolela lediboho ho ba se bitswang One-Stop Border Post (OSBP).

4. Tlhokomelo ya hore ho na le metjha e sa tshwaneng diholong tsa Bolaodi ba Meedi, mme seo se baka tiehiso.
5. Tlhokomelo ya tse etswang ke bakganni ba diteraka ka bobona madibohong tse qetellang di bile le kgahlamelo hodima tlhekelo le nako ya tokollo.
6. Diteraka tse fihlang ntle le tlhekelo ya sethatho mme di bake tshitiso diterakeng tse seng di hleketswe sethathong.
7. Tiehiso ya nako pakeng tsa hlahobo ya morwalo le nyehelo ya tlaleho ke HUB mokgwatshebetsong wa *Service Manager* mme sena se bake dinako tse telele tsa ho leta.
8. Kananelo ya ditshebetso tsa madibohong tse tshwanang le OSBP, tse tjhaetsweng monwana ke WCO, tse lokelang ho shebisiswa hape.

Dikgothaletso tsa phethahatso:

1. Hore ho ke ho shejwe hore ha jwale na ho ka ba le kgonahalo ya ho fetolela lediboho ho ba se bitswang One-Stop Border Post (OSBP) na.
2. Dipuisano le boemedi ba madiboho ohle mmoho le lekala la praevete ka tsela ya dipuisano le diwekshopo.
3. Ho nka leeto le fuputsang ho tliša tekano hoe leba mane Rusomo OSBP ho ya iponela hore ho sebetswa jwang.
4. Ho batlana le tshehetso ya lenaneo le bitswang *WCO-Accelerate Trade Facilitation* ho ba le diwekshopo, ho rala Metjha ya Twaleo ya Tshebetso (SOP), le ho aha bokgoni ka hara dihlopha tsa tshebetso tsa setekgenike.
5. Kananelo ya diphephetso tse bileng teng ka nako ya TRS le boipiletso ho botsamaisi ho hlokomela le ho phethahatsa dikgothaletso.

Kgokanyo ya Tlaleho ya TRS ke ena <https://www.sars.gov.za/time-release-study-oshoek-border-post/>

Ho fumana lesedi le fetang lena ikopanye le Mme Ntobeko Dlamini ho ntodlamini@ers.org.sz kapa Mong. Anton Fisher ho Afisher2@sars.gov.za